

Capsidae duae (Hemiptera-Heteroptera) e Corea.

Descriptae ab

O. M. Reuter (Helsingfors).

1. *Adelphocoris funebris*, n. sp.

Niger, capite thoraceque glabris, nitidis, scutello hemielytrisque fumato-nigris, opaculis, tenuiter pallide aureo-pubescentibus, ventre, segmento genitali maris excepto, opaculo, parcius flavo-pubescente; pronoto parte apicali paullo pone callos extensâ limboque basali, apice scutelli, fasciâ obliquâ cunei externe usque ad basin extensâ, annulo lato articuli antennarum secundi paullo ante basin posito et medium subattingente, fere tertiâ basali parte articuli tertii quartâque articuli ultimi nec non maculâ obsoletâ anteapicali superiore femorum posticorum, tibiis et tarsis eburneis, illis apice, his apice articuli ultimi nigris; areâ orificiorum metastethii albâ; antennis articulo primo capiti ab antico viso aequae longo, tertio margini basali pronoti longitudine aequali. Long. ♂ 9 mm.

Habitat ad flumen Jálu, dom. V. I. Komarov; communic. dom. B. Jakovlev.

A. triannulato Stål nonnihil similis, antennis longioribus praecipue articulo secundo longiore, tertio hoc solum $\frac{1}{6}$ brevior, pronoto apice eburneo, ab *A. funesto* Reut. articulis antennarum ultimis crassis, tertio secundo aequae crasso divergens. Caput basi pronoti saltem $\frac{3}{5}$ angustius, ab antico visum altitudine saltem $\frac{1}{3}$ brevius, clypeo leviter prominente, basi a fronte leviter discreto, genis (♂) humilibus, vertice maris oculo vix magis quam $\frac{1}{4}$ latiore. Rostrum nigro-piceum, basin coxarum intermediarum paullo superans. Antennae corpore cum hemielytris paullo breviores, articulo secundo primo circiter duplo et dimidio longiore, tertio secundo circiter $\frac{1}{6}$, quarto tertio fere $\frac{1}{3}$ brevior. Pronotum latitudine basali fere $\frac{2}{5}$ brevius, apice quam basi fere triplo angustius, disco versus apicem sat declivi, nitido, sublaevi. Hemielytra maris abdomen longe superantia. Tibiae nigro-spinulosae, spinulis crassitiei tibiaram aequae longis.

Campylotropis, nov. gen.

Corpus elongatum, glabrum, capite basi pronoti duplo angustiore, ab antico viso latitudini cum oculis longitudine subaequali, vertice deplano, utrinque ad oculum foveolâ obliquâ notato, margine postico carinato, carinâ retrorsum late arcuatâ, fronte sat fortiter declivi, clypeo compresso, perpendiculari, medio haud depresso, genis modice altis, gulâ horizontali supra planum peristomii positâ, bucculis antice laminatis; rostro apicem mesosterni attingente, articulo primo gulam haud superante; oculis a pronoto paullo remotis; antennis articulo primo pronoto brevioribus, sed apicem clypei longius superante, cylindrico, basi attenuato et leviter curvato, secundo versus apicem sensim leviter incrassato, latitudine basali pronoti longiore, ultimis simul sumtis secundo brevioribus; pronoto ante medium sulco transversali latera superante instructo, parte apicali subhorizontali, lateribus rotundatâ, apice ante callos breviter constricto, his maximis, transversis, rotundatis, marginibus impressis; parte pronoti posteriore a sulco versus basin sensim fortiter ampliata, lateribus ante angulos posticos sinuatis, disco a basi sulcum versus declivi, antice pone sulcum transversalem obtuse biimpresso, inter impressiones vittâ vel carinâ obtusâ laevi inter callos prolongatâ, basi et lateribus ante angulos posticos leviter obtuse impressis, angulis posticis acutis, margine basali subtruncato, versus angulos antrorsum rotundato; prostethio ad rimam acetabulorum externe bituberculato; mesosterno nitido; coxis anticis brevibus, medium mesosterni vix attingentibus, posticis contiguis; tarsis posticis breviusculis, articulo tertio secundo vix longiore, unguiculis apice uncinatis.

Generi *Cyllocoris* Hahn, Reut. affinis; differt autem margine verticis retrorsum arcuato, margine basali pronoti subtruncato, mesosterno nitido et praecipue coxis posticis contiguis; a genere *Globiceps* Fieb. corpore squamis argenteis destituto, articulo primo antennarum apicem clypei longius superante, basi leviter arcuato, clypeo prominente, bucculis antice laminatis, mesosterno nitido, ab *Aetorrhino* Fieb. structurâ verticis, rostro brevioribus, structurâ antennarum, margine basali pronoti subtruncato, mesostethio nitido, etc. divergens. Etiam femina hemielytris alisque bene explicatis. Caput a supero visum longitudine vix duplo latius, a latere visum altitudini aequae longum, basi clypei in lineâ inter scrobes antennarum ducendâ positâ. Oculi sublaeves, in genas leviter extensi. Antennae fere ad quartam apicalem partem marginis interioris oculorum insertae. Pronotum basi longitudine latius. Scutellum basi detectâ. Hemielytra abdomen longe superantia, utriusque sexus parallela, corio venis distinctis, venâ cubitali apice furcatâ ramum ad angulum apicalem anteriorem emittente, cuneo elongato-triangulari, membranâ biareolatâ, areolâ majore apicem versus sensim attenuatâ. Xyphus prostethii lateribus marginatis, disco plano. Mesosternum transversim sat convexum, apice medio canaliculatum. Femora elongata. Tibiae brevissime tenuiter spinulosae. Terebra feminae longa, fere quartam basalem partem ventris attingens, apice mucronata.

2. *Campylotropis jakovlevi*, n. sp.

Sordida et pallide ochracea, vertice punctis quatuor fusciscentibus, fronte vittis duabus, clypeo apice excepto lorisque nigro-piceis; pronoto basi cuneoque interne et apice fusciscentibus, hoc basi et externe pallido, membranâ fumatâ, venis sordide ochraceis; scutello parte basali aurantiacâ, vittâ ejus mediâ parteque apicali pallide ochraceis; capite apice et lateribus mesosternoque lateribus ferrugineis, propleuris utrinque ante apicem, xypho prostethii mesosterni nigris; antennis pedibusque colore corporis, articulo primo antennarum ferrugineo, vittâ basali inferiore margineque apicali nigris, articulis ultimis fuscis, femoribus punctis nigris biserialim dispositis. Long. ♀ $7\frac{3}{4}$ mm.

Habitat ad flumen Jálu, dom. V. I. Komarov; communic. dom. B. Jakovlev.

Caput a supero visum pronoto fere $\frac{1}{3}$ brevius, vertice feminae oculo circiter duplo latiore. Antennae articulo primo diagonali capitis laterali fere aequo longo, secundo primo circiter triplo longiore. Pronotum latitudine basali circiter $\frac{2}{3}$ brevius, apice quam basi circiter triplo angustius. Scutellum pronoto paullo brevius. Hemelytra pronoto circiter quadruplo longiora. Tarsi postici tibiâ magis quam quadruplo breviores.